

poenas exigi. Hæc ex Pitisco; ex Gravina vero quæ sequuntur: *Item & Pracones, qui vel ad hastam in auctioribus stabant, ut oblata pretia significarent; vel in comitiis magistratum, ut populum cogerent ad suffragia, & de signatos renunciarent; vel in judiciis & quaestionibus, ut iudices, & reos, & accusatores, & testes, accirent; vel, subjiciente Scriba, ferendas leges populo recitabant; vel in concionibus audientiam faciebant.*

A Praconibus aliquando Licitoribus præcipiebatur, ut supplicia a reis, apud Romanos, exigent. Quod dicebatur, Praconem jubere, Licitorem lege agere; hoc est, ut ex officio suo ageret, & sententiam in damnatos exequeretur. Apud Livium legimus 26. 15. quod Fulvius, Romanus Consul, capta Capua, animadvertere volens in Campanos Senatores, *Praconi imperavit, ut Licitorem lege agere juberet.* Pracones demum liberos homines fuisse, & ex Romanis civibus electos, passim historici tradunt.

Ad Viatores accedimus, quorum munus dicebatur, Senatores ex agris vocare, quoties Senatus cogendus esset. Testimonium habemus apud Tullium de senect. c. 16. *A villa in Senatum arcessebantur, & Curius, & cæteri Senes: ex quo qui eos arcessebant, Viatores nominati sunt.* Et apud Colum. præfat. 1. illis temporibus Proceres in agris morabantur, & quum consilium publicum desiderabatur, a villis arcessebantur in Senatum; ex quo qui eos arcessebant, Viatores nominati sunt. Tractu temporis hoc etiam nomine vocati sunt, qui Tribunorum, & Ædilium Plebis, jussu, quemlibet comprehendebant. Livius adducitur testis 11. 56 *ardens ira Tribunus Viatorem mittit ad Consullem, Consul Licitorem ad Tribunum.*

Gravina etymologiam repetit a via, quia jussu
ma-